


Aruba acusa y mancha pa 7 caso di traficacion cu hende muhe pa prostitucion



ORANJESTAD (AAN)— Diabierna ultimo a tuma lugar e seminario bao di auspicio di Banco Central pa duna informacion encuanto e framework pa cu un ley cu lo bay regula e inversionnan internacional.

Durante e presentacion di sra. Helen Halton ela shock e publico presente momento cu ela divulga cu durante e aña aki so Aruba a wordo aserca pa instancianan internacional den 7 diferente caso pa cu traficacion di hende muher pa cu prostitucion.

Esaki ta condenabel y alarmante y ta dañá number di Aruba internacionalmente mientras cu gobierno ta haci hopi esfuerso pa mehora e imagen di Aruba.

E ta conoci cu tin hopi mas caso di adiccion y ta parece cu e lucha contra di narco trafico of negoshi ilícito ta perdi, mirando cu e cantidad di usadornan a aumenta drasticamente.

Sra. Helen Halton haci un apelacion serca esnan

presente pa denuncia tipo di crimen asina.

Por corda cu no mucho tempo atras polis a haci un inval den un establecimiento na San Nicolaas na unda cu un tal M. a wordo acusa di traficacion di hende muher den e baho mundo di prostitucion. E negoshi aki cu ta opera bao di nanishi di polis na unda cu miembro di e cuerpo policial aki tabata funciona como uitsmijter. Algo cu ta di condena na unda cu un funcionario di polis ta presta su mes pa haci tipo di trabaonan aki pa necesidad di placa.

Cu e informacion aki tambe ta mancha number di Aruba como pais integro den e mercado internacional financiero y ta stroba e funcionamiento of e oportunidad pa Aruba diversifica su economia pa subi plaza internacional. Den esaki cu leynan di supervision, regulacion y sanction na esnan cu ta perhudica of no ta funciona manera debe ser. Por ehempel den duna informacion

incorrecto of incomplete y haci —hazañanan den inversionnan cu ta perhudica e cliente of no tene cuenta debido cu e riesgonan pa cu e capital di clientenan.

Diario a tuma contacto cu Ministerio Publico na unda cu no tin mucho informacion of no ta comprende mucho di e aciusacionnan akin a unda cu durante 7 oportunidad instancianan internacional a pidi Aruba pa haci investigacion den traficacion di y cu hende. Ta corda cu aña pasa tabatin un caso di traficacion cu hende, mensén smokkel na unda cu un boto a pega riba un rif cerca di e refineria. Y tambe e caso di Foxy lady na unda cu tabatin indicacionnan fuerte cu tabatin hende muhe teni contra di nan boluntad relaciona cu prostitucion. Tambe por corda cu Joran van der Sloot a wordo sospecha di traficacion di hende na Thailandia na unda cu e tabata kier a atrae mucha muhernan thailandes pa bay den prostitucion na Hulanda.